

Na osnovu člana 40. i 45. stav (2) Zakona o prostornom uređenju Kantona Sarajevo ("Službene novine Kantona Sarajevo", broj 7/05), Općinsko vijeće Ilidža na 40. redovnoj sjednici održanoj dana 23.06.2016. godine, donijelo je

ODLUKU

O PROVOĐENJU IZMJENA I DOPUNA REGULACIONOG PLANA "VLAKOVO"

Član 1.

Ovom Odlukom uređuje se provođenje Izmjena i dopuna Regulacionog plana "Vlakovo" (u daljem tekstu: Plan), izmjenjena granice obuhvata Plana, urbanističko-tehnički uslovi za izgradnju građevina, uslovi za uređenje građevinskog zemljišta, uređenje zelenih površina i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata prve faze polazi iz tačke broj 1 koja se nalazi na međi parcela K.Č. 454/2,454/1, 767/1 i 767/2, ide na sjeveroistok, istok i jugoistok granicom parcele 767/1 (obuhvata je) i dolazi u tačku broj 2 sa koordinatama $Y = 6520609.7862$ $X = 4858352.4489$. Tu se granica lomi i kreće na jugozapad presjecajući u pravoj liniji parcelu K.Č. 767/1 i dolazi u tačku broj 3 sa koordinatama $Y = 6520574.3081$ $X = 4858213.7440$ koja se nalazi na granici parcela K.Č. 767/1 i 772/2, granica dalje nastavlja u pravcu jugozapada idući granicom parcele 767/1 (obuhvata je) zatim presjeca parcelu 769/1 (put) i dolazi u tačku broj 4 sa koordinatama $Y = 6520464.9893$ $X = 4858122.4585$, a koja se nalazi na parceli K.Č. 768/1. Granica dalje nastavlja prema sjeverozapadu presjecajući parcele: 768/1, 769/9, 769/8, 769/1, 769/6, 769/5 i dolazi u tačku br. 5 sa koordinatama 6520380.8531 $Y = 4858218.3861$ koja se nalazi na parceli 763/10. Tu se granica lomi i ide na sjeveroistok presjecajući K.Č. 767/2 i dolazi u tačku br. 6 sa koordinatama $X = 6520388.1984$ $Y = 4858236.0556$, dalje produžava granicom parcele 767/1 (obuhvata je) i dolazi u tačku br. 1 odakle je obuhvat i počeo. Površina obuhvata I faze je 3.8 ha.

II Faza

Granica obuhvata II faze polazi iz tačke broj 2 sa koordinatama $Y = 6520609.7862$ $X = 4858352.4489$ produžava dalje granicom parcele 767/1 (obuhvata je) i dolazi u tačku broj 3 sa koordinatama $Y = 6520574.3081$ $X = 4858213.7440$, zatim presjeca parcelu 767/1 i dolazi u tačku broj 1 odakle je obuhvat i krenuo.

Površina obuhvata II faze je 0,3 ha.

Sve napred navedene parcele nalaze se u K.O. Vlakovo

Član 3.

U obuhvatu Izmjene i dopune Plana definisane su zone u skladu sa namjenama:

1. Memorijalni park ukupne površine 4.790 m²
Objekat kosturnice 370 m²
2. Površine pod grobnim poljima 32.500 m²
i kolsko pješačke površine

- Ukupno grobnih mjesta 3.124 gm
3. Meditativni park ukupne površine 780 m²
Član 4.

Izgradnja na području obuhvaćena granicama koje su opisane u članu 2. vrši se na osnovu:

- Izmjene i dopune Regulacionog plana "Vlakovo",
- Idejnog urbanističkog rješenja.

Član 5.

Urbanističko-tehnički uslovi za izgradnju građevina su:

- građevinske parcele utvrđene su regulacionim linijama,
- građevinska linija utvrđuje dio građevinske parcele na kojoj je moguće izgraditi građevinu,
- maksimalna spratnost novoplaniranih objekata definisana je planom,
- projekti za planirane objekte moraju biti usaglašeni sa uslovima fundiranja i preporukama vezanih za konstruktivne elemente građevine i okolnog terena koji će biti izraden za planirane građevine,
- arhitektonski objekti predviđeni za izgradnju moraju biti oblikovani i građeni od savremenog materijala,
- numerički podaci su naznačeni u grafičkom prilogu "Namjena površina i razmještaj objekata".

Član 6.

Uređenje građevinskog zemljišta se mora izvesti u obimu i na način kako je to predviđeno Izmjenom i dopunom Plana. Izgradnja građevina se ne može započeti bez prethodnog minimalnog uređenja građevinskog zemljišta, eventualno izmještanje vodova komunalne infrastrukture, te potrebnih radova na stabilizaciji terena.

Član 7.

Ovim Planom utvrđene su kategorije zelenila:

1. zelenilo memorijalnog parka
2. zelenilo grobnih polja i škarpi
3. zelenilo meditativnog parka

Površine utvrđene kao neka od ovih kategorija ne mogu se koristiti za druge namjene, a niti se mogu graditi objekti koji nisu u skladu sa funkcijom koju ta kategorija zelenila treba da ostvari. Izgradnja i uređenje zelenih površina vršiće se u skladu sa izvedbenom dokumentacijom, a na osnovu separata Idejnog rješenja hortikulture.

Član 8.


Uslovi za sklanjanje stanovišta moraju biti obezbjeđeni u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2434/16-5a
23. juna 2016. godine
Ilidža

Predsjedavajući
Muhamed Omerović, s. r.



Na osnovu člana 40. i 45. stava 2. Zakona o prostornom uređenju Kantona Sarajevo ("Službene novine Kantona Sarajevo", broj 07/05), Općinsko vijeće Ilidža, na 40. redovnoj sjednici održanoj dana 23.06.2016. godine, donijelo je

ODLUKU

O USVAJANJU IZMJENA I DOPUNA REGULACIONOG PLANA "VLAKOVO"

Član 1.

Usvajaju se Izmjene i dopune Regulacionog plana "Vlakovo" ("Službene novine Grada Sarajeva, broj 18/90) - u daljem tekstu Plan.

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana,
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata
- Idejno rješenje saobraćaja
- Idejno rješenje snabdijevanja vodom i odvodnja otpadnih i oborinskih voda
- Idejno rješenje javne rasvijete
- Idejno rješenje hortikulture

Član 3.

Po jedan primjerak ovjerenog Elaborata nalazi se na stalnom javnom uvidu i čuva se u Službi dokumentacije Općine Ilidža i Zavodu za planiranje razvoja Kantona Sarajevo.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2434/16-5b

23. juna 2016. godine

Ilidža

Predsjedavajući

Muhamed Omerović, s. r.

Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03, 65/13), na prijedlog Skupštine Javnog preduzeća za obavljanje komunalnih i drugih djelatnosti od javnog interesa općine Ilidža "ILIDŽA" d.o.o., Općinsko vijeće Ilidža na 40. redovnoj sjednici, održanoj dana 23.06.2016. godine, donijelo je

ODLUKU

O POSEBNIM USLOVIMA ZA IMENOVANJE PREDSJEDNIKA I DVA ČLANA NADZORNOG ODBORA JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA "ILIDŽA" DRUŠTVO SA OGRANIČENOM ODGOVORNOŠĆU

I

Ovom Odlukom Općinsko vijeće Ilidža, u svojstvu odgovornog javnog službenika, utvrđuje posebne uslove za imenovanje predsjednika i dva člana Nadzornog odbora Javnog preduzeća za obavljanje komunalnih i drugih djelatnosti od javnog interesa općine Ilidža "ILIDŽA" društvo sa ograničenom odgovornošću (u daljem tekstu: JP "Ilidža" d.o.o.).

II

Posebni uslovi za imenovanje predsjednika i dva člana Nadzornog odbora JP "Ilidža" d.o.o. su: